



Inatsisartunut ilaasortaq
Randi Vestergaard Evaldsen
Demokraatit

§ 37 naapertorlugu apeqquteqaammut 2017 – 268-imut akissuteqaat

12-02-2018
Suliap nr.: 2017 - 27095
Dok. nr. 27519421

Asasara Randi Vestergaard Evaldsen

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

1. § 37 tunngavigalugu apeqquumi 227-mi apeqqutip 6-anut Tele Post akissuteqarnermini oqaatigaa piumasaqaatit arlallit naammasisariaqartut nunarsuup sinnerani paasissutissanut katersivimmik pilersitsissagaanni ingerlatsissagaannilu. Naalakkersuisut aamma/imaluunniit Tele Post tamakku pillugit misissuisimanagerit inernerinik peqarpata assorujussuaq takorusukkaluarpagut. Pigineqanngippatali sakkortuumik innersuussutigissuarput sukkanerpaamik periarfissat tamakku pillugit arlaannaannulluunniit attuumassuteqanngitsut misissutinneqassasut.

AKISSUT: Inuusutissarsiornermut, Suliffeqarnermut, Niuernermut Nukissiuuteqarnermullu Naalakkersuisup ataani "Nukissiornermut imermillu pilersuinermut suliassaqaarfimmu pilersaarutaanni" allassimavoq: "Tunisassiorfinnut nukissiuuteqarnermik annertuumik atuisunut tunngatitamik pilersaarinermik iliuuserisaq 2017-mi Naalakkersuisut piareersarpaat. Suliffissuarnut nukissiuuteqarnermik annertuumik atuisunut assersuutit tassaapput - aatsitassarsiorneq, qarasaasianik ingerlatsiviit, sisaliorfiit aamma aluminiuliorfiit. Assersuutigalugu suliffissuarnut nukissiuuteqarnermik annertuumik atuisunut erngup nukinganik nukissiornissamut piukkunnaatinik atuinermi aningaasaliinissamut suliassat pilersaaruserineri suliarineqarsimapput. Pilersitat nutaat aamma ilaatigut erngup nukinganik nukissiornissamik piukkunnaatinik anginerusunik, ilaatigullu Kalaallit Nunaata nunataanik, inissimaffianik aamma silaata pissusaanik atuisinnaanernik iliuuserisaq malitseqartittuarneqarpoq. Tamatumani assersuutigalugu sumiiffimmi nillernerusumi qarasaasianik ingerlatsivinnik, isumannaallisaanermut tunngatillugu annikitsumik aarleqquteqarfiusoqarfimmi pilersitsinerit ilaasinnaapput."

a. Nalunaarasuartaasiveqarnerup iluani sulliviup kisermaassisup attaveqatigiinnermut tamarmiusumut piginnittuunera nunanut allamiunut paasissutissanik katersivinnik aningaasaleerusukkaluartunut akorngutaavoq kiisalu qulaani taaneqartut misissuinerit ingerlanneqarallartillugit piumasarissavarput Naalakkersuisut siunnersuut UKA 2017/imm. 109 utertikkallassagaat, pisariaqarmat paasissutissanik naammattunik pissarseqqaarnissaq taama angitigisumik aalajangiisoqartinnagu.

AKISSUT: Paasivara kaammattuutaasoq, apeqqutaanani.

Taamaattoq eqqumaffigeqqussavara UKA2017/109 tunuartinneqarnissaanik kaammattuineq Naalackersuisut naammassisinnaangikkaat, tassami siunnersuut Inatsisartunit akuerineqareermat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Erik Jensen